



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 2. 2018

E kosto di no hasi invershon

“Si bo ke tin un mihó prestashon ku e multitud, bo mester hasi kos diferente ku e multitud.”

John Templeton

Lanta for di soño; Muchanan i skol; Trabou; Kushiná; Kome; Drumi; Ripití. E rutina di dia di siman di e afishonado di e típico siman di trabou di 9 pa 5, ku ta radia eksitashon pa e dianan di trabou yen di strès i ku ta buska komodidat den e suspenshon di wikènt loke ta refortalesé nan pa e tremendo siman di trabou nobo ku ta dilanti porta. Ha! Asta skirbiendo esaki tabata dibertido. Oké, mi ta floria kos un poco. Ta bon, ta bon.

Pero pensa ariba. Tur e esfuerzo aki ku nos ta hasi den nos trabou, tur e sakrifisionan aki ku nos ta hasi, mester nifiká algu, tòg? Di bérdat, e ta hasi eseí, pa mayoria. E kapasidat pa paga bo resibunan, pa duna bo mes i yunan un poco rekreasjón kada yüli i pa tin e komodidat di un poco siguridat di un trabou, ta nifiká algu. Pero kiko si bo ta laga algu tremendo for di mesa? Algu ku abo i bo yunan òf e yunan ku bo ta plania di haña, lo por disfrutá di dje den futuro?

E realidat ta ku, e gran mayoria di e poblashon di Kòrsou, no ta invertí. Si, bo a lesa korekto, i e no mester sorprendé bo, pasobra mi ta sigur ku abo, ku ta lesa e artíkulo aki, ta un di nan! Ta oké, no sinti bo malu, bo no ta bo so. Bo ta mantené un kuenta di spar, naturalmente! I esei no ta basta? Lo bo por puntra. Mi kontesta, lastimamente ku no.

Bisa mi, di kon abo no por eksigí e mesun nivel di sakrifisio i esfuerzo di bo florinnan ku bo a traha duru p'ré, ku bo ta eksigí di bo mes, trahando 5 dia di e siman i tin biahá asta den wikènt. Di kon no mester duna bo sèn e mesun oportunidad pa traha manera abo?! Hopi hende no ta realisá, pero ta hopi bo ta pèrdè ora bo no laga bo sèn traha pa bo. Den otro palabra, e kosto pa bo di no invertí ta hopi mas grandi ku bo ta pensa.

I sí mi por mira i sinti un poco resistensia podisé ta lanta den bo mente kontra di esaki. E sospechosonan usual ta: mi no tin suficiente sèn pa spar despues ku mi paga tur mi resibunan! òf mi lo kuminsá spar pronto, despues ku mi kaba di paga riba e outo nobo aki. òf mi ta muchu hóben, ta ki purá tin? òf mi no tin yu, no tin masha nesesidat di invertí awor! òf esun di mas deskabeyá di nan tur, mi ta spar, esei no ta basta?!

Wanta un ratu, mi no ta puntra bo di trasladá montaña òf pa hasi un kambio signifikante den estilo di bida. Tene un poco pasenshi ku mi. Ku tur e resibunan ku bo mester paga, lo bo por ta kapas di spar laga nos bisa 25 florin pa luna? Mi ta sigur ku bo por. Laga nos hasi e kalkulashon. 25 florin pa luna ta suma 300 florin pa año. Esei ta 7.500 florin den 25 año. Awor laga nos trese e poder di invertimentu aden. Si bo por a tuma e 300 florin ei i invertié 25 año largu i gana 10%, e rendimentu promedio riba e bolsa di balor internashonal, lo bo hinka 29,504 florin den bo saku na final. No malu, tòg? I si bo por a invertí e 25 florin kada luna outomátikamente en bes di na final di e año, lo bo gana 33.171 florin na final di 25 año.

E kosto di no invertí ta mas ku 33.000 florin i esei ta djis riba 25 florin! Ai mi dios! Chèns ta, ku bo por spar mas ku 25 florin tur luna. Mi lo laga e realisashon ei senk aden! No pèrdè riba e poder di invertimentu.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdú presentá na bo pa e DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.



dcsx.cw



vertexinv.com